

allerhandt Göttlichen vnd Naturvermögli- chen dingen / deren genugsamb betrach-
 tung Theoria vnd praxis ohne sonderbare remuneration oder Costen jedli-
 chem vergönnet / doch von wenigen in acht genommen wirdt / sintemal das Gebäu
 schlecht / gering / alt vnd bekant scheint / vor dem Gemüth des Newheit begierigen vn-
 bedachten Pöfels / an ihm selbstn aber ist es also köstlich / so zierlich / künstlich / vnd
 wunderlich auffgeföhret / daß auch kein Kunst / kein Wissenschaft / kein Reich-
 thumb / Gold / Edelgestein / Gelt / Gutt / Ehr / Auctoritet / vñ Reputation auff ganz-
 her Welt mag ernant werden / welche nicht in hochgedachte Palast in summo gra-
 du. Es ist aber selbiger von Gott vnd der Natur dermassen befestiget / vnd vor der
 gewalt der vnverständigen bewart / daß ob gleich alle Cartunen / Feldstück / Pöler
 vñ Petarden vnd dergleichen newerdachte Martialischen Instrumentē mit möglich-
 stem Gewalt darwider gericht / alle Menschliche Mühe vnd Arbeit würd vmb sonst
 vnd vergebens seyn. Dieses nun ist das Collegium ad S.S. der RosenCreus-
 her Brüderschafft / dieses seyn die Königliche ja mehr als Keyserliche Paläste da-
 von die Fratres in ihrer fama wollmeynent bericht thun / hirinnen seyn verborgen
 die vnaussprechliche costparliche Schatz vnd Reichthumb / ibidē satis luculenter
 adumbriert. Dwie mancher Mensch gehet ohn wissent / ohn verstand auß / alle Ge-
 mach / alle heymliche verborgene Dertter dieses Palasts / vñ sieht oder versteth doch we-
 niger als ein Blinder / oder (wie man im Sprichwort pflegt zusage) als ein Esel auff
 einer Sackpfeiffen / vnd ist die Ursach / weil nicht jeder gebürender massen præpa-
 rirt vnd gewürdigt. Wer Ohren hat zu hören / der höre! Es ist nicht möglich
 verständiger zuredē / möglich aber ist / vnd laider mehr als gebräuchlich den verstand
 der Wort böshafftig zuverkehren. Vnderstehestu das / so geschehe es mit deinem
 Schadē? Ich bekenne dir / bey meiner Seeln Seligkeit / doch dz was ich hirinnen be-
 richt / vnd schreib / geschicht nicht böshafftiger oder betrieglicher Meynung / sondern
 auß teruwem wollmeynendē Brüderlichen Herzen? ohn längst ist / das ich in einer
 vornehmen Key: Reichs Stat von einer vornehmen Person vernommen vnd derselbige
 von der Fraternitet schriben freuentlich Iudicium nit ohne mercklichen Verdruss
 engner Person angehört / wie nemblich hievon nichts zuhalten / als von einem Phis-
 losophischen Auffzug / vnd Buchtruckrischen figment, dessen grösser vtilitas
 & fructus penes Bibliopolas, so sehe man auch augenscheinlich / gleich wie sol-
 che Societas gehlingen entdeckt / also auch vnversehens wider verschwindt / man sehe
 vnd höre schon schier nichts mehr dauon / nach dem die Leut gleichsam im ersten
 April genugsam genart. Vonverständiger Mensch phy tibi tuisque? Mein-
 stu die fratres haben nichts anderst zuthun als dich vnd deines gleichen alleweil mit
 Bitt vnd Supplication Schreiben zuruffen? Nein / wilstu auff etliche ergangene
 Gunstzeichen dich nicht selberst præpariren vnd einstellen / so laß es vnderwe-
 gen / vsus penes te esto. Ich sag dir in der Warheit / ist die Brüder-
 schafft einmal in esse vnd crescere gewesen / so ist es ihunder / es seynd der gutmey-
 nenden Collegarum (Gott lob) ein solche Anzahl / daß mann deiner vnd der

B

gleich